

## Sakspapir

| Sakshandsamar | Arkiv          | ArkivsakID |
|---------------|----------------|------------|
| Frank Kvinge  | FA-C00, FE-223 | 21/289     |

| Saknr    | Utval         | Type | Dato       |
|----------|---------------|------|------------|
| 050/2021 | Formannskapet | PS   | 15.06.2021 |

### Kultur- og næringstiltaksmidler 2021

#### Rådmannen sitt framlegg til vedtak:

|                              |                      |            |        |                |
|------------------------------|----------------------|------------|--------|----------------|
| Fjordtun kafé                | Kulturarrangement    | Heile året | 15 000 | <b>12 000</b>  |
| Bjørn West IL                | Bjørn West triathlon |            | 6000   | <b>3 000</b>   |
| Fjon UIL                     | Masfjordsprinten     | 11.juli    | 4000   | <b>3 000</b>   |
| Kvingo nærkjøp               | Kulturarrangement    | Heile året | 10 000 | <b>12 000</b>  |
| Sleirsfjellet opp/ Risnes IL | Sleirsfjellet opp    | 5. juni    | 30000  | <b>15 000</b>  |
| Torgdagen i Bergen           | Torgdagen i Bergen   | 12. juni   | 5000   | <b>5 000</b>   |
| <b>Ikkje tildelt</b>         |                      |            |        | <b>50 000</b>  |
| <b>SUM</b>                   |                      |            |        | <b>100 000</b> |

#### Saksopplysningar:

### Bakgrunn

I formannskapsmøte 18.11.2014 vart Kraftspela lagt ned. Kraftspela vart etablert i 2005 og gjekk i kommunal regi. Festivalen hadde eit stort og allsidig kulturprogram med brei involvering av lokalt kultur-, nærings-og lagsliv i tillegg til innleigde artistar og aktørar av høgt nasjonalt og internasjonalt kaliber. Som erstatning for Kraftspela ønskte formannskapet å stimulera lokalt lags-og næringsliv, og andre aktørar til å stå som kulturarrangør, slik at ein i kommunen framleis kunne tilby varierte og gode kulturopplevingar. For 2015 vart det sett av kr 150 000 der arrangørar kunne søkja kommunal medfinansiering til slike tiltak gjennom kraftfondbudsjettet. Etter dette har summen vore kr 100000 pr år.

### Fakta

Kulturtiltaksmidlane for 2021 vart kunngjort på kommunen si heimeside/ Facebookside, plakatar på butikkane i kommunen og i kommunal informasjon i Strilen og i Masfjordingen. Det har kome inn 6 søknader.

Søklarane er:

#### **1.Fjordtun kafé/ Sandneskaféen v/ Berit Lygre**

søkker kr 15000 i støtte til å driva kaféen som ein kulturkafé. Sidan søkjar overtok drifta i 2016 har

kaféen arrangert ei rekkje konsertar, visekvelder, kunstutstillingar, føredrag, kurs, quizkvelder, språkkaféar for innvandrarar, seniortreff, kafésjakk/ spelekvelder mm. Lokalet vert også nytta til ulike private samkomer som dåp, konfirmasjon, minnestunder og åremålsfeiring. Kaféen inneheldt i tillegg Skaparkroken der eigaren produserer tekstilbilete og plagg i redesign, og er kommisjonær for andre lokale produsentar av handverksprodukt.

Når det gjeld matservering legg eigaren vekt på bruk av lokale råvarer og å tilbereda desse både som tradisjonsrettar og i nyare drakt. Sandneskaféen er ein av stasjonane i Kunstrunden Nordhordland, eit samarbeidsprosjekt mellom alle kommunar i regionen der ein søker å leggja til rette for ei reise rundt i distriktet for å bli kjend med det som finst av galleri og utstillingsstader for kunst og kunsthåndverk. Sandneskaféen er også med i IMPULS gründernettverk, eit samarbeidsorgan for kvinnelege bedriftsleiarar i Masfjorden og Gulen.

Arrangement frå mai og utover 2021:

Kulturtur:

- « Natur- og kulturtur i Masfjorden»

Utstillingar:

- Samarbeid med Sommarscena om tre utstillingar i Fargeriet og Sandneskaféen. Elin Alver, Vibeke F Nordtømme og Gui-Rang Choi

Konsertar:

Samarbeid med Sommarscena om

- Konsert med Local Heroes: Tribute to Dire Straits II
- Konsert med Anne Hvidsten
- RIT ( tekstar av Olav H Hauge)

Idrettsarrangement:

- Samarbeid med Masfjordsprinten om sportsquiz og servering

Ymse kulturarrangement:

- «Dar fór dampen» - kulturkveld med viser, historier og samtalar
- 5- årsjubileum for drifta av Sandneskaféen i noverande form. Utstilling og musikalske innslag.
- Julemesse

Søklar er oppteken av å vera ein god masfjordambassadør, åleine, men ikkje minst i samarbeid med andre. Samla sett er søklar oppteken av å samarbeida med andre for å få til større og mindre kulturtilbod for både sambygdingar og tilreisande og for etablerte og nye kulturutøvarar innan ulike felt.

Eit ev tilskot vil bli brukt til å dekkja honorarutgifter/påskjøningar og mat til aktørar. Fjordtun kafe fekk kr 10 000 i tilskot i 2020.

## **2. Bjørn West IL v / Ståle Daae**

søklar kr 6000 i tilskot til Bjørn West triatlon Bjørn som i 2021 vert arrangert for niande gang. Base for arrangementet er idrettsbana på Matre. Det er eit regionalt arrangement som trekkjer deltakarar frå Nordhordland , Gulen og Bergensområdet. Triatlon er lagt opp « light», dvs at distansane i dei tre disiplinane symjing, sykling og løp gjer konkurransen til ein flott innfallsport for dei som ønskjer å prøva triatlon, samstundes som utforming av løypa gjev meir røynde utøvarar nok utfordring.

Arrangementet vil og ha aktivitetsdag på idrettsbana, hovudsakleg friidrettsaktivitetar for barn og unge.

Arrangementet har ei styringsgruppe på fem personar og ei gruppe på kring 20 personar som står for sjølve gjennomføringa.

Bjørn West triatlon fekk kr 3000 i tilskot i 2020.

### **3. Fjon UIL v/ Vebjørn Haugsdal**

søker om kr 4 000 i støtte til mosjonsløpet Masfjordsprinten. Arrangementet går av stabelen 10. juli. Løpet vart for første gong arrangert i 2017 i området rundt Sandnes skule og vart eit særskilt vellukka arrangement med stor deltaking av folk i alle aldrar.

Løpet blir lagt opp etter mønster for internasjonal skisprint, med innleiande rundar, kvartfinale, semifinale og finale. Kjønn- og aldersinndeling. Arrangøren ønskjer å vidareutvikla løpet gjennom varierte tilbod der alle kan delta på ein eller annan måte.

I samband med arrangementet legg ein opp til ymse kulturinnslag.

Masfjordsprinten fekk kr 3000 i tilskot i 2020.

### **4. Kvingo nærkjøp v/ Kariann Ekren**

søker kr 10000 i støtte til kulturaktivitetar knytt til Nærbutikken, Snikkarbua kafé & pub og bubilparkering på Kvingo.

Sidan butikken vart starta opp i 2009 har eigar hatt eit stort fokus på å skapa aktivitet i bygda og driva bygdeutvikling for auka livskvalitet, med marknadsdagar, quiz-kveldar, eldretreff, barnearrangement, fjorjulararrangement, konsertar, dansearrangement mm. Eigaren har gjort store investeringar i bygningsmassen rundt butikken. 2017 sto Snikkarbua kafe&pub ferdig. I 2018 fekk bedrifta eige hus til overnattingslokale. I 2019 var storsalen ferdig pussa opp med lydisolasjon, utvida scene og utvida uteplass på nordsida av lokalet. Dette gjer det lettare å halda fleire typar arrangement i kombinasjon med storsalen. I 2020 vart bubilplassen utvida, slik at det er plass til 30 bubilar på området.

Mange av bubilgjestane er interesserte i å nytta seg av naturtilboda i området. Det vert difor arbeid med å arrangera fellesturar, med felles måltid og sosialt samver etterpå.

Koronaen har sett sett preg på aktiviteten i 2021. Likevel er det bubilar på besøk nesten kvar helg, og det har blitt gjennomført fleire mindre arrangement innanfor gjeldande smittevernreglar.

Artistar står i kø for å spela i Snikkarbua, og eit kulturtilskot vil mellom anna gå til honorar til artistar. Til hausten er det planar om marknadsdag, dansetilstellingar, stand-up, bingokveldar, halloween-fest, ymse julebord, og Vinterlys vinteren 2022.

### **5. Sleirsfjellet opp v/ Tove Kristin Sleire Tistel**

søker kr 30000 i støtte til arrangementet som går av stabelen 5. juni. Tilskotet vil sikra eit arrangement av høg kvalitet på alle område. Sleirsfjelletopp vert i år arrangert for 12. gong. Over 300 personar deltek årleg i sjølve motbakkeløpet. Vanlegvis er det lagt opp til myldring og ulike aktivitetar ved Sleire gamle skule der mange møter opp. I år set korona avgrensningar for dette.

Sleirsfjellet Opp er eit arrangement som ynskjer å ha fokus på folkehelse, vera ein årleg møteplass og arena som gjev glede, identitet, omdømme og verdiskaping for heile kommunen.

Sleirsfjellet opp er det største folkehelsearrangementet i kommunen, og eit viktig arrangement for regionen. Motbakkeløpet var det første i sitt slag i regionen og er det største idrettsarrangementet i Masfjorden ( og Gulen). Risnes IL er arrangør og har årleg over 25 frivillige med i arrangementet.

Laget har 240 medlemmer.

Sleirsfjellet opp vart i 2020 avlyst grunna korona.

### **6. Torgdagen i Bergen v/ Anita Heggholmen**

søker kr 5000 i tilskot til arrangementet sitt 12. juni. Torgdagen har vore arrangert sidan 1977 og er eitt av dei største kulturarrangementa i Bergen, og samlar kystkulturen frå heile fylket. Grunna covid-19 let det seg ikkje gjera å halda ein vanleg Torgdag i år. Difor vert det i år planlagt ei digital sending.

25 kommunar vil verta inviterte til å koma med innslag til sendinga. Dette kan vera song- og musikkinnslag eller presentasjonar knytt opp til kystkulturen.

Heile arrangementet har ei budsjettamme på kr 250 000.

## Vurdering

Rådmannen finn det svært gledeleg at det er interesse blant lag og bedrifter for å stella i stand gode kulturarrangement i kommunen. Det vitnar om stor tiltakslyst og aktive og visjonære ressurspersonar/lag/bedrifter som ønskjer å skapa noko positivt i kommunen vår.

Etter at Kraftspela vart avvikla er kommunen si rolle endra frå å vera arrangør til å vera tilretteleggar gjennom å yta tilskot og service til arrangørane. Søknadane har spennvidde og presenterer tiltak som me veit vil gje varierte kulturopplevingar for alle. Dette var også ønskje og målet til formannskapet då tilskotsordninga vart etablert i 2015. I vedtaket vart det ikkje lagt føringar for kvar og når tiltaka skulle gjennomførast, og kor mange tiltak som kunne rekna med støtte. Det viktigaste var at ordninga skulle gje lokale aktørar inspirasjon og støtte til å gå i gang med nyskapande og spennande kulturarrangement, og å vidareutvikla alt det gode ein har frå før.

Det er gledeleg at det også i år er fleire næringsaktørar som har søkt. Fleire av søkjarane har etablert samarbeid med kommunen om tiltak. Med kommunen sin avgrensa kapasitet som kulturarrangør er dette vinn-vinnsituasjonar. Tiltaka vil samla sett gje gode idretts-og kulturtilbod til alle aldersgrupper.

Koronapandemien set framleis sitt preg på aktiviteten, og arrangørane arbeider målretta for korleis ein til ei kvar tid kan tilpassa og gjennomføra arrangementa innanfor gjeldande smittevernreglar.

**Bjørn West triatlon, Masfjordsprinten og Sleirsfjellet opp** er folkehelsetiltak av beste sort, og utfyller kvarandre på glimrande vis. Ser ein desse arrangementa i samband med Bjørn West-marsjen og Matre rundt tilbyr ein flotte idretts/folkehelsearrangement i sommarmånadane. Alle arrangementa er no godt etablert. Laga vert oppmoda om å støtta opp om kvarandre sine arrangement.

**Kvingo nærkjøp og Fjordtun kafé** tilbyr arrangement som er med på å styrka deira næringsgrunnlag, samstundes som dei opnar opp for kulturaktivitetar som dei andre laga ikkje tilbyr. Arenaene kan vera ei god scene for lokale utøvarar og eit vertskap for tilreisande som søker kulturtilbod. Begge søkjarane har måtte utsetja dei fleste planlagte arrangement så langt i 2021 grunna koronakrisa, men står klar til å gjennomføra arrangement så snart det vert opna for det. Fjordtun kafé har ein god og definert plan for dette.

Den kommunale støtta skal gå til honorar til utøvarar.

**Torgdagen i Bergen** er ny søkjar. Kommunen har ikkje tidlegare vore involvert i dette arrangementet i større grad. Det digitale kulturprogrammet som arrangøren legg opp til i år opnar for at kulturskuleelevar, kor og korps og andre kulturberarar kan senda inn filminnslag som vil bli nytta i den digitale sendinga. Slik sett kan arrangementet gje god marknadsføring av kulturaktørar og kulturliv i kommunen vår, dersom ein grip sjansen.

### Generelt

Rådmannen meiner det er viktig at alle arrangørane også ser etter andre finansieringskjelder (td Gjensidigestiftelsen, Sparebanken Vest, BKK m.fl.) slik at inntektssida kan bli styrka. Tilskotsportalen kan og gje gode idear til kvar ein kan henta midlar.

## Konklusjon

Grunna koronakrisa vil det vera noko amputert aktivitet på kulturfronten vår-sommar i 2021. Rådmannen ønskjer difor ikkje å tildela alle dei avsette midlane. Basert på søknadane og vedlagte budsjett vert det tildelt midlar slik:

| Søkjjar                      | Tiltak               | Dato       | Søknadssum | Tilskot        |
|------------------------------|----------------------|------------|------------|----------------|
| Fjordtun kafé                | Kulturarrangement    | Heile året | 15 000     | 12 000         |
| Bjørn West IL                | Bjørn West triathlon |            | 6000       | 3 000          |
| Fjon UIL                     | Masfjordsprinten     | 11.juli    | 4000       | 3 000          |
| Kvingo nærkjøp               | Kulturarrangement    | Heile året | 10 000     | 12 000         |
| Sleirsfjellet opp/ Risnes IL | Sleirsfjellet opp    | 5. juni    | 30000      | 15 000         |
| Torgdagen i Bergen           | Torgdagen i Bergen   | 12. juni   | 5000       | 5 000          |
| <b>Ikkje tildelt</b>         |                      |            |            | <b>50 000</b>  |
| <b>SUM</b>                   |                      |            |            | <b>100 000</b> |

### Formannskapet - 050/2021

#### FS - behandling:

Rådgivear Frank Kvinge møtte til denne saka.  
Saka vart drøfta.  
Framlegg til vedtak vart samrøystes vedteke.

#### FS - vedtak:

|                              |                      |            |        |                |
|------------------------------|----------------------|------------|--------|----------------|
| Fjordtun kafé                | Kulturarrangement    | Heile året | 15 000 | 12 000         |
| Bjørn West IL                | Bjørn West triathlon |            | 6000   | 3 000          |
| Fjon UIL                     | Masfjordsprinten     | 11.juli    | 4000   | 3 000          |
| Kvingo nærkjøp               | Kulturarrangement    | Heile året | 10 000 | 12 000         |
| Sleirsfjellet opp/ Risnes IL | Sleirsfjellet opp    | 5. juni    | 30000  | 15 000         |
| Torgdagen i Bergen           | Torgdagen i Bergen   | 12. juni   | 5000   | 5 000          |
| <b>Ikkje tildelt</b>         |                      |            |        | <b>50 000</b>  |
| <b>SUM</b>                   |                      |            |        | <b>100 000</b> |